

金陵癸甲紀事略

原叙

金陵癸甲紀事略一卷附粵逆名
目錄共一冊姑執謝介鶴記也介
鶴於癸丑春為賊虜至金陵糧
館中曾與金陵張炳元鶴李奎麗
生及同志數百人謀內應卒不成

炳元歿。介鶴乃以計逸出。依今觀
察靜山趙公於鳳山行館。因怯陷
賊時所見。而白筆之於書。起自
癸丑正月二十九日。止於甲寅七月
三十日。凡賊之逆天悖人窮凶極
惡。及其旦夕灰燼之狀。無不略具。

而從逆考之蟻攢而螳聚考之
可掬名而誅焉嗚呼介鶴亦已心
人哉

原叙蓋為謝介鶴而作惟匿
其姓氏而不傳名并梓式以
存其廬山真面云爾

載賡胡絳演識

叙

吾嘗於倚劍之餘流覽稗乘
至蜀碧所紀每歎獻逆之窮
亮極西僅賴有此妻俾當時
受其毒後亦猶得指其罪而
錮于患抑知豺狼蛇虺今古

一轍以余觀於謝子介鶴所撰
癸甲紀事略尤不能無此焉蓋
洪楊諸逆之稱亂於金田也所
集亡命初不過數百人屬為官
軍所壓自楊元清張運齊等
爪牙之而其焰火熾然猶在頗

以西迄壬子突圍而出犯長沙
破武潭隔徽皖援金陵東南
歷幾歲狐兔洲鼓而援地方從
之者詔遂納以惠畏之者詔遂
脅以力惑之者詔遂迷以術
余以謂自來萃竊之輩乎

食鯨吞安能惠烏合螳聚
焉有力牛鬼蛇神何詭術
惜無人入其中窺其虛衷
復出而播告云也故聖王夏
逆匪回竄洪州余遂銳意來
江其情錫以杼義懷至未幾

而國初不獲與我行及武甯
盜起乃得親其事即知其
無餘為然人猶以為小敵
未見大敵洎於今年矣
消髀肉於短衣長劍中計與
渠魁悍鬪角不下數百戰早

識其為寵寵矣屬里暴而露

之俾從考知所返畏其得而恃

惑考有兩省而預行固練共

滅此而朝食適得介鶴山老

觀其刻吏割惡諸態畢呈固

非無微不修因評而急付剗

惟願志士義民覽是集其大
與敵愾同仇之志共舉國防
保甲之謀使逆匪無所逃於天
地庶幾不負介鶴之苦心亦即
余之厚望也夫是為叙
咸豐丁巳季夏清江尚友湘齋

戴賡氏胡德璠書於三陽

營次

金陵癸卯紀事卷目錄

偽太平天国天王洪秀全

廣東花縣人
現年四十三

偽東王九千歲 楊秀清

廣東加立人現年廿二歲
遷居于潯州武宣縣人

偽西王八千歲 蕭朝貴 潯州武宣人

偽南王七千歲 馮雲山 潯州桂平人

偽北王六千歲 韋昌輝 桂平人 豪監

偽翼王五千歲 石達開 武宣人

偽燕王 千歲 秦日綱 潯州人

偽護國侯 胡以晄

金陵癸卯紀事

偽吳國侯

陳承鎔

偽衛侯

王玉崑

偽鎮國侯

盧按以上俱潯州人

偽補天侯

李國瓚廣西人

偽東國大宗兄

楊元清加應人

偽東國王宗兄

楊永清

偽東國七宗兄

楊國清俱元清弟

偽北國宗兄

丞相

韋俊潯州人

偽翼王宗兄

丞相

石禎潯州人

偽天官

副正丞相

曾水原
林風祥

偽天官

又副丞相

楊曾副係水源好

偽地官

副正丞相

李開芳
黃再興

偽春官

副正丞相

蒙得天
黃超芳

偽夏官

正丞相

何震川

偽夏官

又副正丞相

曾錦謙
立第

偽秋官

副正丞相

曾天養
白輝侯

偽秋官

又副正丞相

陳宗揚俱係潯州人

偽冬官

副正丞相

羅大綱
賓福春

金氏與中記事目錄

偽冬官又副丞相夏相風

偽殿前丞相

鍾芳正

侯同伯

黃文安總理鐫偽錢

偽殿前撈點

呂煥

林錫保

唐正才

湖北人周勝坤

偽殿前指揮

黎振輝

何錦珍

葉輯五湖北人

偽殿前侍衛

莫仕賢

李辰通湖北人

偽將軍

陳桂堂

黃九

利之好

陳丕成

偽東殿尚書

傅學賢

賴漢英

系蘇江人

劉飛

侯謙芳

李成才

侯成福

偽北殿尚書姚茂鴻徐茂功張有勛

湖北人

偽翼殿尚書

蒲台孚安徽望人楊在田湖北人

偽東殿丞宣

陳奇志偽北殿丞宣何辛金

偽殿前詔書

偽天天狀元傅少階湖北人

偽詔命

劉威培自言序生湖北人

偽殿前

左史東武翰林賴漢光序西人

偽朝儀

黃期陞偽侍臣侯成身

偽總聖庫

吳可億譚順天以上西人

偽典聖庫

曾衡選曾永隆俱廣西人

偽總典

賈辨陳清武俱廣西人

公史

偽總典聖糧

黃為網偽春人羅文俊米刀日替徒

偽出聖糧

黃河雲王衡傳忠信俱西人

偽入聖糧

廖益桂張朝文俊廣西人住安慶

偽又

軍正入聖糧

范運武齊房東人

偽典

銘碼

秦口蔣係日網兄廣西人

偽典

桃總制軍

黃兩權由金附送非人

偽東

添護

劉文孔曾承祥余文章黃祖賢

偽典天與

張立起

黃貴憑胡復楊俱西人

偽國醫

劉春山湖北人

偽東試翰林

侯定邦

江西人

偽翼試狀元

楊朝福

湖北人

偽天試狀元

武立勲

和州人

偽典天厨

劉七富

偽典東厨

梁用潮以上俱廣西人

偽巡查理女管事巡查黃秉祥

廣西人

偽巡查

陳繼書

吳可典

李珍

李紅蓮

農世清

吉傅滿運來

俱廣西人

金陵癸甲

四

紀事略一書述洪逆自金田倡亂至金陵癸甲年之事庚年以後未載閩老諒之

目錄

金陵癸甲紀事略

咸豐三年癸丑正月二十九日粵逆洪秀全楊秀清等至金陵其陸路分賊營二十四座每營多者二三百人少者五六十人老長髮賊不過十之二三餘皆虜諸湖北安徽及各省者設不關城紮營於城外賊必疑懼未嘗不可以少勝多且賊亦不得在城外任

意開挖地道關城後南門外米行百姓齊心殺賊賊
幾敗不意聚寶門城頭開炮百姓搖手弗聽乃散祁
方伯爭之嘔血死其水路賊船自新洲戴勝關上遊
夾江泊起至七里洲下遊夾江泊止船雖數千號究
之賊數男子約五萬女子約二萬幼童約一萬且船
密排於夾江之中偽王船泊於中段設於上中下用
船裝積柴草內藏引火之藥三路縱火則船不得開
成灰燼矣老長髮諒亦用落勢必竄岸死戰然故亂

不聚戰亦易敗其新虜及女弱等惟有赴水而已乃
關城未及計此可慨也

賊在城外屢講道理示人無非天父天兄抹人生出
各偽王教導你們衆兄弟姊妹好大福氣將來享福
無窮等語做出無數醜態而不自知其醜嗣後入城
亦朕又詭言不殺人有先來進貢者給貢單爲記大
隊始不相擾人半信之進銀及洋錢米菜猪鷄鴨等
取偽單貼於門前孰意賊見單益搜索知其不備疑

應

其私藏之多也

妖邪惑衆詐僞貪婪胆敢假托上天之尊售其鬼域之術安得繫羣逆之頸寸磔以謝天下爲快也
二月初十日賊於北門地道礮發城崩賊扒城礮又發石飛起打賊跌落死傷甚多賊亡命卽踰賊屍上接足而登復爲官兵鎗礮所傷無算爭割賊首持赴總局獻功官兵遂單賊擁一至急調南門水漢西門城頭兵至北城禦賊賊大隊從水西門扒入城開城門

直進于是兵賊交殺屍橫地上不計其數大城遂破
上元縣劉公朝服坐堂上罵賊寧殺已毋傷百姓賊
不殺乃急投署後溝水殉難其餘殉難者未及考城
內紳耆矜民閭室自焚及投水雉經服毒不計其數
劉公惜逸其名惟殉節愛民慷慨罵賊雖死猶生
彼睢陽之舌常山之齒可以後先競爽並傳不朽
矣

大城破將軍率官兵守皇城滿洲婦女幼弱亦登埤

助守次日賊衆至礮發斃賊無算賊有增無減官兵力竭又連日未食難拒禦賊扒城開門入混戰一日將軍及圍城皆殉難婦弱未殺盡者賊驅出城至河下殺之棄諸水

忠魂毅魄萃於一時不愧食祿之效他日旌揚忠烈焜燿史冊足以遺芳千古

賊初入城猶未敢遽入人家懼有官兵藏伏路遇人必殺十二日見人則促使抬屍棄諸河否則殺數日

傳鐘令百姓貿易如故不開張將搜殺各舖戶已搜掠一空而賊猶查人又搜索罄盡其壯者則拖去爲聽使前後衣著黃補寫賊銜謂之招衣幼童則搶去爲假子或爲打扇打扇乃賊子小僕名常持馬鞭洋傘及扇隨賊後蓋賊最愛童子相與嬉戲而已並無所謂童子兵也其時老病置弗問惟不使男子歸已家歸則謂與女子私犯天條當殺于是男子先分館聚處而賊乃得肆志入百姓家搜掠無所不至

先是傳偽諭令人進偽貢給單使貼門牆則不入其家否則搜出銀十兩金一兩者殺而稍有資力之家咸獻金銀貼偽單賊搶物遂以此爲記得以知其有無也

街道旣清于是賊用鑼鼓數百迎天賊入制府署居之然此一入不見其出蓋東賊以此輒禁使之自死之意其僞王娘數十皆以黃紬蓋頭騎馬跣足焉男館旣立賊又赶女子出不准私住於是扶老攜幼

負行李悽惶道路得間投河者無算賊驅之東復驅之西不得哭哭則爲妖非鞭卽殺不得已露宿檐下越日乃分前後左右中五軍女館每軍以一至八又分爲八軍軍設僞女軍帥一統女百長數十以拘來女子其夫與子尋蹤至雖見而不放交一言言則爲犯天條以此受杖及死者甚夥其時城北幽僻之地尙有百姓潛伏者賊以搜物至其處覺焉乃驚散男子驅女子赴水漢西門外盡殺之棄諸河男女館設

逼人敬天父代具黃紙奏章作誓語謂之悔罪夫敬
天人所同也天主爲邪教男逆惑人又竊天主教之
餘似名爲天父降于東賊口代天父言謂之下凡愚
蠢竊信之繼亦悟其詐又卽其詐以詐衆人且言敬
天兄耶穌耶穌西方之聖人也西方口外諸國信奉
最篤而辨之甚明乃粵逆強曰天兄謂耶穌爲天父
之第一子天賊爲第二子南賊爲第三子東賊爲第
四子北賊爲第五子西賊婦爲第六女翼賊爲第七

子餘雖其父兄子孫皆爲該賊等之弟母嫂姊女皆
爲該賊等之妹又出南賊所作讚美曰讚美上帝爲
天聖父讚美耶穌爲救世聖主讚美聖神風爲聖靈
讚美三位爲一合真神真道豈與世道相同能救人
靈享福無窮知者踴躍接之爲福愚者省悟天堂路
通天父鴻恩廣大無邊不惜太子遣降人間捐命代
贖吾儕罪孽人知悔改魂得昇天率衆朝夕誦之又
每茶飯先點誦小子跪在地下敬謝天父上主皇上

帝祝福小子日日有衣有食無灾無難魂得昇天夕
睡朝起亦誦小子跪在地下懇求天父上至皇上帝
時賜聖神風化醒迷濛在天金旨成行在地有衣有
食無灾無難感謝天父上至皇上帝如在天焉俯准
所求心誠所願更爲天父七日造成天地山海人物
每闕七日爲一讚期街設大旂寫明日禮拜各宜虔
敬三更具果品糕點羣誦讚美申奏章亦書小子跪
在地下懇求等語而各僞府鑼聲礮聲振耳將洋緇

褂褲付諸火謂之緇還天父老長毛病亦具奏章用
小子跪在地下尋語着人代求其言甚哀十天條賊
以禁人犯則殺不能背讀者輒受杖責不知如賊者
敬拜上帝何益之有七日再拜得罪無所禱也爺火
華天父名先避之繼又不避父母兄弟離散從何處
孝敬夫妻相處亦爲奸惟逆賊逼奪民女數十人則
不犯謊話賊常有搶掠賊常行貪淫賊之本心但禁
人而已十天條之說可概見矣

逆賊出僞示死不用棺用爲妖香火不設設爲邪賊
心不禽獸若矣死爲昇天爲喜事不准哭而東賊子
死賊淚下如雨日遂失明賊自上遊擄船隻下金陵
誑謂船戶送到不留船許自返並不必蓄髮開水手
各將厚賞及金陵城破盡數驅之入其願附者易船
不願附者分入諸賊館爲聽使各船所自有之物並
沒於賊禮逼城內外之壯者登牆驅赴揚州鎮江乘
間逃者亦不少

百姓見有揚州鎮江之驅或自盡或竊逃城內鼎沸
賊懼偽丞相鍾芳禮性稍和平乃有機匠之招言爲
匠做工則不打仗且投入機匠之家凡遇賊搜索告
偽相輒杖賊追還於是投機匠藉以伏處約二萬人
後有雜行之設亦如之周才太僞巡查性不好殺見
老而無依者輒憐之請於賊議立牌尾館焚廢使守
館老病使掃街道拾字紙亦不打仗於是佯病入牌
尾館者七八千人

賊見菜地爭貼封皮卽據爲已有使人種菜亦不打仗故匿於菜園者亦數千人

賊不識字傳僞令凡讀書識字者悉赴詔書否則斬搜出匿者同罪乃得數百人使爲詩及對又試以爲示合賊式者分入各賊館爲書吏亦不打仗

官兵打仗時有以巾幘頭賊弗識及相遇官兵殺賊賊始知又城中人假賊黃招衣出城賊覺於是加僞聖旨以於衣無則殺

賊僞詔改書如聖改正上改向至祭祀祖先俱爲妖
二帝三王均爲僭悉改之改字如國改国華改花火
改亮老改考亥改開丑改好卯改榮等類謬妄費解
賊所虜湖北安徽米船泊儀鳳門外鹽船泊漢西門
外令女僞官持旂悉驅女人出城背米鹽入各倉着
童子執鞭驅打使之速行謂之把卡至昏始息有路
遠不能回館者或自縊於空屋或赴水死或雨露泥
涓跌傷至死餘俱露宿天賊東賊僞府多毀民居拓

益其巢穴封泥木匠爲僞將軍僞總制數十人使率
隊做工又著女僞官分領女人萬人抬輓挖溝每日
黎明出黃昏返

東賊淫無度兼以予死西賊予又死悲甚兩目失明
弗能視作天父下凡狀謂各姊妹不知敬天父天父
將降病於衆姊妹今秀清患目疾代衆姊妹贖病也
於是令僞女官傳各館女子背讚羨不能者杖並傳
僞諭有能醫目復明者賞以丞相職

機匠既多傳爲令每館要數人出城抬米及出悉脅使上船至江西先是稍有贗者用銀買入爲機匠匿勿出於是搜機匠並搜銀錢衣物至是剩機匠五六千人

賊之湖南北人及水營水手約以紅袖裏口爲記反戈殺賊議未定又聚飲於錫匠館金龍館立書歃血醉甚謀泄東賊假天父下凡執其書按名悉殺之又誣謂水手汝等思歸乃爾無罪勿恐越數日使無名

者赴江西有名者謂人殺之

殺賊之謀未泄人能私自過館其數尙難稽查至是賊有門牌之設以館長出名統於其下月送冊於偽詔書以核其數調往他處及逃走者均註明其時男館廣西約千五百人廣東約二千五百人湖南約萬人湖北約三萬人安徽約三千人各省約二千人金陵約五萬人鎮江揚州約五千人女館廣東西約二千五百人湖南約四百人湖北約二萬五千人安徽

約三千人鎮揚約萬人金陵約十萬人此真率人數
城中凡男子十六歲起五十歲止謂之牌面餘爲牌
尾牌面半使竄往上游而逃走亦多人數不敷用乃
取牌尾館之老而健者使上城頭打更仍不敷用雖
老而病者亦使上城頭打更於是逃者益衆而牌尾
館人數僅三千人矣

賊間於井中及花臺得金銀於是凡井中及花臺夾
牆仰板悉開挖或有或無但見一缸水者而金陵房

全明宗日紀事略

屋靡不拆壞

東門外大營立賊懼乃使女子二萬人每日出城開挖濠溝送竹簽子每日路斃者有人鎗子傷者有人藉出逃逸者亦有人

東門外麥熟久未割乃使女子割麥又見油菜子熟乃使婢尾收打菜子

賊初入城發糧無數取者卽與之既有名數可稽議每日發米數男館如泥木匠一觔半各僞衙一觔

四兩各匠一劬牌尾半劬女館湖南以前每名一劬
湖北以前每名六兩

出城逃走謂之變妖前無稽查嗣乃用偽印關憑交
於賊官及館長出城以此爲信

逆賊禁用厯日無能算者故單月三十一日雙月三
十日不知用閏法癸丑二月初十日又訛一日故皮
干亦遲一日八月又改月爲期日爲旦不准用日月
二字是以明白供期年日止矣天心厭亂可知

賊之妄更正朔可謂悖謬已極而介鶴期年而止
之說其忠憤之氣已情見乎詞矣

賊令人抄僞詔書自戊申起叙至入金陵城等事前
出馮雲山手後出曾釗揚何震川諸賊手詞用七字
句以話說起繼以不表且說又以下回分解作卷終
而其淫亂邪恠亦自供不諱人刻創世傳賊竊西方
番本也餘俱天賊南賊自作惟下凡諸詔書東賊命
曾釗揚何震川作

雖未經見其書想見鄙俚猥褻鄉曲下里之音而不若卽謂之賊之自作供狀亦可惟牛鬼蛇神四字足以盡之矣

賊之僞號必假天僞王號又加牛鬼蛇神字樣以爲奇僞侯號亦朕

揆賊之意以爲六合之內尊莫尊於天故賊無不僭用此字今特謹避之易之以大軍中原有太平犬之呼易之者所以從乎衆而快人心且明正其

僭妄之罪也

賊僞丞相有正副又正副分六官計二十四名僞殿
前丞相四名僞檢點僞指揮單爲僞殿左雙爲僞殿
右以次排僞檢點計三十名僞指揮計三十六名僞
將軍及總制俱分金木水火土無定每僞總制一統
僞監軍一僞軍帥五僞師帥二十五僞旅帥一百二
十五僞司馬六百二十五此帶兵僞正職也餘俱爲
僞雜職僞恩賞係職前等城有僞總制將軍帶信有

偽疏附總制守關有偽提關指揮

天賊偽侍衛九十六名亦能帶兵職同偽檢點餘俱
下一等以五千及二十四氣分名

賊之偽官制正不免勦襲前代史書真是無知妄
作惟有拉雜付之一火爲快也

偽左右史偽侍臣均職同偽檢點東賊偽尙書偽承宣偽指使俱
詔命均職同偽檢點東賊偽尙書偽承宣偽指使俱
職同偽檢點偽赤護偽僕射均下偽指使一等北賊

翼賊之統下僞官以次下東賊之僞官一等僞總典
官均職同僞檢點其次同僞指揮軍中僞典官均同
僞總制僞鑒亦狀

凡賊之僞官職名雖多均未足其數徒以誇耀於人
也由永安以前來附之賊均爲功勛加一等

賊婦稱呼僞侯婦稱真人僞相至僞旅帥婦同稱其
下稱僞夫人另設女僞官如在僞府者僞丞相僞檢
點居多其在外統帶者僞將軍帥止餘夫爲

長館長俱用黃巾紫頭上寫偽銜軍帥以上皆大腳
蠻婆百長湖北最多

賊之偽服色如偽王帽用龍鳳馬褂袍靴繡龍鳳不
拘偽侯相帽用鳳偽檢指帽用麟袍帶均穿黃色雜
職紅色馬褂均黃色靴皆紅色偽將軍偽總制帽用
獅偽監軍偽軍帥帽用虎均紅袍黃褂靴黑色偽師
帥偽旅帥帽用彪均藍袍紅馬褂司馬帽用鶴有職
均准紫黃巾餘紅巾

賊之僞府僞衙如賊王居僞各府賊官居僞各衙僞府大門用金描畫龍虎門內不准男子入照壁以五彩繪畫龍虎甬道中有高臺謂之敬天父臺兩傍挂大鑼數十對前牌樓三東西僞朝房東賊僞府少減北翼兩賊但畫門用鑼餘但無僞衙僞侯畫鳳僞相畫象餘貼紅条而已

賊之僞儀制天賊未見盡天賊僞府火起潛出一次至北賊僞府旋亦潛入平居絕不出東賊軟禁之故

也

東賊出轎用青呢繡五彩賊從約千人北賊減三分之二翼賊又減半於北賊僞供相檢點俱用五彩紅呢轎俱用方僞指揮以下騎馬黃傘尖角旗鑼二面無鼓樂

賊之相見禮下一等者跪不准揖拜初見早則曰大人食朝不會夜則曰大人食夜不會路遇亦狀愛跣足雖袍帽騎馬亦狀著黃色厚底靴喜八音匣子賊



謂之鳳琴坐馬上帶於腰間以爲榮

賊之打仗僞令先吹號角齊人至北賊僞府聽令後
又改在冀賊僞府賊頭日一人持名牌一人執大尖
角旂率衆立侯指揮焉驛所逼脅者在前列老長毛尾
後敗則跪念天父看顧四字疑爲有術誤矣識其故
正可趁此追殺之

種種醜惡之狀亦何可強惟惜被脅之民不能倒
戈殺賊爲憾也

賊各僞王生日先期進貢院考試出題如東王九千秋真道豈與世道相同等語取僞狀元一僞榜眼一僞探花一僞傳臚一僞翰林百餘僞進士數百一甲職同僞指揮二甲職同僞將軍三甲職同僞總制東賊爲東試天賊爲天試餘賊仿此而東賊僞狀元取纔三日卽逃去不知所終

賊各僞王生日必先逼選民女百餘人由僞丞相蒙得天再選約需十五人以進各賊每次天賊六人東

賊六人批賊二人翼賊一人謂天父憐各人勞心過甚賜來美女也

所遭如此不如無生而羣逆之惡殆難濯髮數矣
偽王生日偽女官送禮最盛用糯米做成各式糕點
列方棹上或兩三抬或四五抬俱係女子前用大鑼
兩面黃傘一柄後則女官跣足騎馬親送入偽府賊
官送禮亦用棹抬進至日均至偽府陪誦讚美謂之
謝天父惟天賊偽幼王生日留飯給銀牌

東賊造大床四面玻璃中注水養金魚窮極奇巧枕
長四尺五寸

是何種類輒敢意逐時驕而奇伎注巧若此天固
壓之或稍延尸居餘氣以待獻俘耳

賊糧少乃議發稍凡各匠及婢尾女人皆發稍其時
男館在前之人竄上游者半逃走者半新附而來者
亦半如廣西約剩千人廣東約剩二千人湖南約剩
五六千人湖北約萬餘人安徽約剩二千人廬州及

各府新附者約萬餘人與國州黃州新附者約萬餘人
各省約剩千人江西新附者約五六千人金陵約
剩二萬人鎮揚約剩三千人揚州新回者約四千人
女館廣東西約二千四百人湖南約三百人湖北約
二萬三千人安徽約二千七百八人鎮揚及新回共約
萬二千金陵約剩九萬人此各片人數

咸豐四年正月元旦金陵婦女館習婦共相慶賀
僞女官挈去或杖或枷鎖口鼻塞物是謂有慶賀爲

賊所覺亦多受杖時賊營十二月二十四日也

婦女着裙甚屬細故此亦子以枷杖可謂無往不
虐矣可殺可殺

正月七日賊以爲元旦天大雪未明誦讚美聲震地
賊亦飛刺相慶賀見面不跪不揖但曰高升而已

金陵廩膳生張炳元倡內應與大營約初七八九等
乘賊慶賀元節不爲備出賊不意進攻東門僞守城
官陳柱堂許斬關相應不意傳信人遲誤改約初九

初十十一日適賊於初八日調陳桂堂至七里洲水
營初十日官兵至城外見城頭無人響應乃返

顛倒錯亂坐失機宜殊深歎惜

賊初言演劇爲邪教繼於池州得戲箱數十隻回金
陵乃招優伶演劇東賊在清涼山試之喜甚僞渝搭
臺於僞府引壁內以備開戲適賊目疾復發乃止
啣盃顧曲人生樂事逆賊罪惡滔天豈能享此故
天奪其魄俾失其明亦神人所共怒也快哉

東賊僞諭朝夕敬天父男樂在外女樂在內搜逼金陵樂妓進僞府每賊數十名朝夕彈琵琶以佐義讚賊獲城外男子見其壯偉以爲妖毒刑逼之認在大營探報等語並言以白布爲記於是賊至五鼓吹號角傳齊各僞衙人等至北賊僞府前下木柵搜獲白布十餘塊卽領禁千餘人三日刑逼無據令賊官各自取保但殺數人乃禁偶語語棄市出首予以職爲訪試僞指揮由是路遇若不相識焉

禁若牛毛偶語棄市此秦之苛政也何醜類亦復
若此而民尤不堪其塗毒矣

張炳元謀內應因前期未踐而陳桂堂又調水營乃
出城赴大營與向帥議定約齊同志者出城至買賣
街官兵扮賣物者伍百如期亦至其處計相見後把
持城門接應官兵入城大隊隨其後至日適微雨官
兵大隊掌號而來未及買賣街而城頭砲發同志轉
至城門已閉官兵退同志乃入城賊由是疑遂於

東門內接門砌窄巷窄五尺長箭餘兩頭設大木柵以鉄索繞匝焉

越日太帥令六品軍功田玉梅四川人入城與同志議約期至城頭俟官兵至城下斬守門及守礮諸賊開門按應議未定炳元意欲於南門再得一路接應至南門遇陳桂堂之書吏張某者扭至偽侯黃玉崑衙出首自言前與炳元同志紹炳元使得欽差印乃有據自後未見炳元今路遇得以扭至玉崑刑訊無

供又易他賊訊備極慘毒幾死復活炳元言陳桂堂
之書吏張某吸食鴉片我前見而勸之今挾嫌誣我
賊立搜張某館得鴉片等先殺張某復調炳元至北
賊偽府加刑誑之炳元自知必死乃認通大營但我
係江南人非有老兄弟爲首教我我亦不敢遂羅織
老長毛數十賊盡殺之而未吐同志一人

張炳元金麗生俱智士也憎所謀不諧而忠憤之
氣亦足以傳不朽矣

同志始猶冀炳元得免嗣見事實將就殺急與大營
計約田玉梅等九人入城與同志五十人訂期至東
城頭斬關接應至日官兵聲號起未及至城上田玉
梅等已斬城門守吏守礮長毛賊十餘人將開柵鐵
索與鎖重匝未及開賊聞城外聲號率大隊賊至玉
梅等不得動手乃散伏於各館賊見五十人內有若
機匠及牌尾與菜園人乃搜機匠牌尾菜園果得欽
差印三四張遂鎖禁數百人又搜各館得數百人俱

禁于貢院內賊意欲盡殺之嗣傳僞諭如有廣西館
長取保釋去計殺二百餘人炳元亦遇難至是機匠
僅存二千人牌尾館廢菜園僅存數百人賊前有招
用泥水木匠之令玉梅等卽扮泥水匠入內應破封
城三日田玉梅等尙匿泥水匠將軍孫知禮衙內不
意知禮打扇幼童自投東賊出首具陳知禮引進玉
梅等九人狀東賊密令賊官訪拏幸是日城開玉梅
等先逸但鎖孫知禮及統下僞總制等數人殺之由

是收前用關憑另用黃賊發牌出城記入數於簿入城再查對而各衙書吏均不許出城

使斯謀不洩或遽起乘之則厥功偉矣乃機事不密敗露於所養之僕古之罹此禍者尤不可勝數可不慎諸

賊有改讚美魂得昇天一句爲功成名就者東賊怒杖殺之嗣與天賊議又易其語曰讚美上帝爲天聖父是魂翁獨一真人讚美天兄爲救世主是聖人捨

命代人讚美東王爲聖神風是聖靈贖病救人讚美
西王爲雨師是高天貴人讚美南王爲雲師是高天
正人讚美北王爲雷師是高天仁人讚美燕王爲霜
師是高天忠人讚美豫王爲露師是高天直人後接
真道等語蓋惟恐外人能誦得以混入賊隊故又增
易之嗣將燕豫二賊讚美刪去荒誕不經伎倆可咲
賊傳僞令着女館各送井闌圈一個于東賊僞府不
知何用女子十餘人輪抬不起人多受傷又傳僞令

要毋女館送小老鼠數對與虫數對於偽府亦不知
何用真邪惟也

賊前收禁未殺之人內有因瘡因蟲剪髮者酷刑追
問不得已以通大營對賊又吹號筒傳齊城中人等
驗髮凡剪髮者盡鎖入貢院並傳偽令如各館尚有
剪髮之人不速送至貢院查出卽殺於是各館紛紛
送人至貢院共計男子二千餘人又令偽女官搜各
女館金陵風俗女子多剪前後髮賊不之問亦搜得

二千餘人幼童數百人禁于貢院東賊初意將盡殺有常大妹者東賊妾母也至東僞府擊鼓鳴冤言其子因瘡剪髮被鎖至貢院求釋放東賊大怒言因瘡剪髮事出有因何至冤屈乃爾我之舅尙狀不知冤屈多少兄弟姊妹矣乃出僞諭果係因瘡因蝨只要館長去保盡皆釋放否則悉斬之於是保出十之八九但殺男女百餘人越日有出城逃逸者爲賊所獲卽剪髮人賊怒以火烙火錐逼之問道妖否不得已

通妖賊僞諭凡前剪髮之兄弟姊妹俱由所保人
送至貢院匿者同罪於是禁男子於十八房等處禁
女子於兩旁大號每日僞指揮僞侍衛僞將軍等輪
班刑訛男女除踹損杖責外或將手足反接背置銅
鑼用火焚之呼慘之聲不忍入耳或將衣服脫盡用
鐵鍊燒紅向脛一盤但聞油漬鐵肉皆糜爛痛哭一
聲大半昏絕或用火箸燒紅刺入股內或錐進穀道
亦皆號哭萬狀頻至於死至吊指跪鍊猶其輕者必

使自認通妖又牽扯他人而後已每日偽巡查送粥
一次潑於石板地上令人手抓口甜男子計自死百
餘訛定死罪四百有餘女子在號筒之中輒有隨入
聽使見色逼姦計刑死百餘自縊百餘餓斃百餘定
死罪二百有餘外此男女仍須再訛請于東賊東賊
本欲盡數殺之轉請于天賊天賊僞詔言體天父好
生之德但殺兄弟百人姊妹數十人餘俱再訛先是
天賊許可東賊必不可夫賊欲殺東賊必不殺自示

已出也至是東賊恐衆頌天賊而怨已乃出僞
詔蓋行取保釋回謂僅此白人遁妖諒亦難逃天父
手段其無人保者殺計殺男女二十餘人餘俱放出
小醜跳梁自懷疑畏乃以細故輒敢愴極非刑草
菅人命可謂窮兇極惡矣倘欲妄自尊大比擬不
倫尤屬罪不容追惟冀兵自天來焚巢搗穴然後
爲快

賊見人逃走皆由出城買物又見買者之多冀於此

金陵府志卷之四
取利乃立五市於北門橋不准人出城買物並不准
在各街買物悉歸五市嗣因五市價騰貴者長毛不
便又議罷

女簿書東賊逼取民女識字者充之以代已批判有
傳善祥者金陵人二十餘歲自恃其才凡賊文書皆
歸此判頗當賊意由是賊僞官均尙文有不合善祥
式者輒批罵恃寵驕傲屢言老長毛狗屁不通忤東
賊乃倡善祥吸食黃烟枷發女館以禁之猶欲復用

也嗣善祿病自爲文呈東賊言素蒙恩由無以報答
故盡心代閱文書夜倦不意爲妖魔迷濛吸食黃烟
又蒙開恩不加重罪原擬釋放再圖報効詎知病患
不起恐難再覩慈顏謹將某日所賜金戒指兩個奉
繳以表小妹之意無他幸爲垂鑒東賊聞之大驚訝
卽釋枷使僞國醫往視病愈善祥得隨意往各女館
無所禁遂不知所終或曰逃去

傳善祥慧而能文惟惜其不能韜光養晦潔身早

去爲可恨耳

善祥得罪女簿書無當東賊意者有人以九妹聞乃
强九妹入爲府九妹朱姓湖北人年二十歲有姿色
能詩文爲賊虜依於廣西某女百長館中百長憐愛
之凡東賊屢選識字女子屢隱而不列九妹名至是
東賊大怒作天父下凡狀指出九妹某百長當五馬
分屍其衆女官及衆百長均杖二百傳衆至跪於東
賊僞府前問九妹識字否對曰否問百長匿爾否亦

曰否乃杖九妹三百問某曰長對與九妹同立殺某
百長挖其眼割其乳狀後剖其心梟其首謂天父意
所以驚衆也天大風雨乃免衆責九妹遂入僞府月
餘九妹竟砒霜入勾結僞王娘將以斃東賊謀泄東
賊怒乃假天父言殺九妹並同女館者九人

賊僭擬天父謬誕不經之詞愴斃無辜羣女之命
風雨震怒足禡賊魂惟朱九妹捐軀圖逆遺憾千
秋嬌烈丈夫何以異

賊王帽由繡苑女館做進有女子以穢布作天賊東
賊帽襯冀歷之同館挾嫌出首東賊怒令點天燈示
衆點天燈以帛裹四肢漬油綁於桿上以火燃之幸
其時女子受鞭杖已昏絕拖放樹下醒乃自縊遂殺
同館知情不舉者之人

繡苑女惜逸其姓氏獨忠憤激發以冀友此元兇
他非所計以同館者枉知大義貽害多人亦何益
哉如朱九妹繡女之類俱以圖賊捐軀他日書後

諸公似宜請旌於朝庶慰忠魂於泉壤也幸甚
東賊怒女館屢欲殺已且賊糧不足令僞女官傳僞
諭城中姊妹悉于翌日五鼓各背被一條出聚寶門
茶館計使女子出城旋于城門口點名凡有夫與子
在城內者仍令返館餘俱令出城將盡殺之也且得
以姿意搜掠女館剩物僞諭出閣城譁然孩提於
河內及投水自縊計四五百人街市男女往來紛雜
或送衣物於男館或取衣物於女館號哭之聲動地

泥木停工奔赴女館禁不能止勢將內變北賊翼賊懼議請于東賊急於各街口傳偽諭言東王愛惜姊妹必不使盡出城就死不過派出大腳姊妹出南門幫挖濠溝而已是乃女官傳令訛錯也鎖偽女官數十於東賊偽府將殺之繼又言將杖之城內稍定次日傳偽令凡姊妹俱要赴小營聽講道理有一名不去搜出斬至則分五色旗令有夫有子在城內者立黃旗下其夫與子打先鋒遠出者立紅旗下霜婦處

女立白旗下其夫與子變妖逃走者立黑旗下其時
立紅旂人最多黃旂次之白旂又次之黑旗下亦有
一二千人以聽言不清誤立其下者於是僞侯立臺
上講道理言昨日非女官傳令之訛皆爾新姊妹聽
令之訛應斬姑赦歸各照所立旂造冊送女巡查母
緩講畢乃散後造冊亦不及稽查置之而已

東賊以糧少欲盡驅女子於城外殺之亦何忍也
猶幸置之不狀則含冤者多矣豈不痛哉

五月洋人至東賊不准入城書問東賊言爾同我教何以爾分男女館爾言天父下凡請問天父肉身木身可能一見如此類者數十條先是癸丑四月洋人至入城東賊媚以銀數十萬屬以不打仗十一月又至勸和東賊怒洋人遂去至是乃有此書候東賊覆東賊使翼賊與黃玉崑閉戶三日作偽諭登之於城頭所言

西洋人素崇信天主教乾嘉時漸有傳教於內地

閩粵之間者惟其教鮮
經例禁而止乃東賊復
尤無耻極矣惜西洋人

之勞以伸九伐天討之誅爲可歎耳

東賊連接湖南北安徽各賊回書言所到之處米穀
俱無乃改議發米數男子牌面每日每名發米半斤
牌尾四兩女子湖南以前每日每名發米六兩湖北
以下三兩均以稻代悉令人食粥否則殺其時逃走

者多新附者少如廣西不滿千人廣東約千餘人湖南約三千人湖北約萬餘人安徽約萬餘人各省約數百人江西約三千人金陵不滿萬人鎮揚約二千人女館廣東西約二千人湖南不滿二百人湖北約二萬人安慶約二千人鎮揚約萬人金陵約八萬人此六月人數也

繕錄至此如果使知賊糧不足即可厚集兵力極力圍攻金陵俾其無一門可與外相通而城中之

人豈能甘心餓斃朕後端以撙節獻魁之示
餘黨之謀是或一策惟徵調軍儲甚不易易姑觀
於此或留侯運籌者之一助耳

賊偽典金官率眾出城自言奉令打先鋒偽守城官
疑搜其身各懷金數百乃鎖白東賊東賊大怒閉城
門名偽典官街凡有金者鎖人貢院內有搜出大腳
襖嬰扮男妝者數十因搜女館又得男扮女裝者數
十又搜得有孕者數十於是打金匠及各衙計二百

餘人男女易妝及有孕者盡殺之

賊衆少且東賊多疑於是使大腳蠻婆上城頭守城
及挑糠出城使隨打仗賊後以備填塞溝濠之用適
官兵大獲勝仗殺長毛五六千人大腳蠻婆或殺死
或就擒賊自此氣餒且紅卑船業將上下江路攔絕
賊懼故有此一仗也此七月三十日閏七月初一初
二事

續聞賊糧不足趕女人八九萬出城至鄉圩割稻藉

此逃脫者數萬而斃於水餓死及爲強暴所虐不從而死者亦不計其數餘在上新河立館賊仍朝夕驅禁之城中於閏七月不發米亦使自割稻

嗚呼斯民何辜使其窮迫而無所歸轉填于溝壑一夫不得其所尙欲矜全況於婦女若恒河沙數之多一至如此賊之罪惡更不容誅矣

續聞曾天養在岳州爲官兵所殺賊衆歸韋俊曾永源於又七月東賊使往蕪湖誤期削僞職石楨祥東賊調回使東垣爲官兵所敗退回金陵城外閏七月官兵殺之白暉懷聚拔暉亦俱爲官兵所殺

扶風氏謄刊

逆名

噫盜賊之起蠱惑愚頑輒假天意其信之者未識所
由來也欲使人預知而不惑必實指其名頭著其罪
俾無所隱而後可附粵逆名目略甲寅閏七月記

洪秀全僞太平天國僞天王廣東花縣人現年四十
三歲面潤鬚長身癡肥稍知盲詞筆意初至廣西挾
折字法及命數徧蠱鄉愚武宣桂平人惑尤甚道光
戊申己酉歲秀全自稱天父二子又以天父下凡時

楊秀清天兄下凡時蕭朝貴傳誕語蓋天主邪教也復竊其餘似邪其怪矣往來平賽山欺誘頑民潛謀不軌至庚戌年十一月初十日在金田倡亂僞號太平天國天王時賊黨竊二三百人搶掠近處鄉鎮官兵圍正急將就擒適廣東殷匪楊元清范連齊等招集亡命三千人附之勢遂猖獗咸豐元年辛亥秀清全黨入永安官兵圍之備甚乃有男行女行之禁備湖南郴州賊李巖通作亂爲官兵進勦亦相附始突

國出男女賊僅存二千餘人女賊衣男衣得脫者不
滿三千人遂擾桂林一帶竄至長沙此壬子年事先
是湖南多股匪官兵分剿至是悉附秀全計一萬人
又招得掘煤洞蠻子數百人始有龍口一說龍口挖
地道也故長沙以前尙未能破城至長沙城始用此
法城幾破幸官兵救護斫死蕭朝貴賊乃退及至武
昌遂驗此法當武昌未破楚南股匪逃回十之七八
及十二月初四日城破乃喧傳天父天兄之語不爽

轉相附焉其時粵東西約二千餘人楚南約萬餘人
新據鄂州約三萬餘人又各省數千人次年新正沿
江直下於皖江一帶又擄數千人水陸並進官兵無
阻之者故不逾月至金陵又用龍口法遂破金陵城
時癸丑二月初十日也進城殺掠一空居制軍府燬
民居拓益其巢穴僞號王府周圍幾及十里性淫逼
取民女約五六十人僞府以內皆女子惟府男子守
門朝夕念讚美鑼數十面以惑衆飲食由此府進

自入賊穴未見其出蓋東賊楊秀清權重以軟禁
之者天賊一子八歲又一子新生賊傳八歲者係東
賊子

以市井無賴游民顧敢首倡亂階爲禍若此之烈
天固厭之惟輩早殲元凶以伸天討之誅則大
快人心耳

楊秀清僞東王九千歲廣東嘉應州人遷於廣西潯
州武宣縣鄉現年三十一歲面窄青白色目常有疾

鬚微黃身短小目不識丁多權詐與西賊蕭朝貴隣
耦而耕天賊洪秀全密結之妖言天父四子天生爲
軍師故僞號左輔正軍師嘗與西賊妻宣嬌私睡未
醒賊夥至不及避乃假作天父下凡狀謂賊夥曰宣
嬌我第六女秀清同胞妹當易姓楊蕭朝貴爲貴妹
夫我命秀清卧爲天下兄弟贖病也命宣嬌同秀清
同爲天下姊妹贖病也同胞兄妹同卧毋害衆勿疑
遂自號末乃師贖病主直以牛鬼蛇神煽惑亡命數

載至庚戌年十一月初十日在金山與天賊倡亂
攬天賊權自廣西至金陵悉聽其指使故偽諭皆署
其偽號天賊尸位而已金陵城破初任皇城將軍署
東門外大營礮子輒落瓦上大驚滿營鬼書畫半夜
哭居不安乃徙於漢西門虎賁倉前街前長蘆驛使
何宅亦煥民居拓益之周圍六七里後山山也掘爲
池前街街也易以墻其偽府內外及飲食與天賊等
性尤淫逼取民女不滿十七歲者三十六人偽號王

娘每夜入女輪宿賊目稟事交女偽簿書蓋逼取民
女通文墨者爲之計數十人意出東賊批由女簿書
好殺人必先假天父指出某甲某乙某事當殺使賊
衆驚爲神故又自號勸慰師聖神風殺必請于天賊
然天賊曰殺東賊必不殺曰勿殺東賊必殺之謂出
天父意也故常假天父語杖天賊四十又殺西賊父
北賊兄及東賊兄楊元清妻以示威其出也惟至天
賊僞府或登城他勿往也出則賊衆千餘人大鑼數

十對龍鳳虎鶴旗數十對絨絲鳥獸又數十對繼以
洋綢五色龍長約數十丈行不見人高丈餘鼓樂從
其後謂之東龍架已大興至輿夫五十六名輿內左
右立二童子拂蠅捧茶謂之僕射輿後僞相及眾賊
官等百人從焉又繼以龍如前狀行乃畢每日早坐
僞殿僞相一人僞尙書二人僞承宣二人僞指使二
人以次侍見論賊事僞國醫補天侯進胗脉次以哈
宋二醫復焉視已各擬方進乃退蓋東賊素弱淫無

度常病將就死少緩者留待獻俘也予二亦善病
東賊以田野鄙夫其饕淫嗜殺尤爲羣逆之冠聞
今日爲他賊所誅固不足蔽其辜豈知天道精嚴
疎而不漏故常假羣醜之手以令其互相誅殺誰
謂諸惡可作天道無報哉

蕭朝貴僞西王八千歲廣西潯州武宣人年最少身
長多力與東賊鄴謨並耕天賊愛其勇與東賊同密
結者故僞號右弼副軍師其妻豈嬌嘗與東賊私甘

受取賊愚假天父語宣嬌爲天父第六女已爲天父
婿爲東賊貴妹夫轉誇耀於人而不之耻東賊僞詔
僞諭皆附列其名得意甚所至無弗亡命爭先其虐
尤毒永安困首突圍出至長沙飛登城陴傷數鄉勇
卒中鎗子爲官兵斫無算成肉泥焉亦擒殺報也逆
賊等轉謂天父惜其勞接上高天享福共相慶賀以
惑衆天賊又加其僞號爲兩師先是永安分男女禁
除天賊及東西南北翼賊外凡男女私雖夫婦必斬

而西賊父在長沙途中與西賊母合衆賊覺語西賊
西賊語東賊遂同議斬其父母以置衆西賊轉謂人
曰父母苟合是犯天條不遵天令者不足爲父母也
噫其頑迷如此狗彘不若矣子一五歲至金陵痘發
死宜嬌遂入東賊僞府

案西賊蕭朝貴直愚而豺狼也當圍長沙時西賊
蓋爲城頭礮子所傷亦並非戰鬥時也嗣賊去會
有人掘得其屍梟首焉僅以紅呢衣衾裹埋之

飛登城陴被殺者當是他賊此緣賊掘地道城因而奔陷故有此一戰也惟介鶴所記與此稍異耳馮雲山僞南王七千歲廣西潯州桂平人年三十餘面陋身中初讀書入文學與天賊接恨見之晚遂相與密結造僞書惑衆愚頑信爲神盡衆賊非鄉愚卽偷竊及倡優修足剃頭諸腳色忽見所造十天條僞太平軍目僞太平禮制天父詔書皆謂如此奇才向非天生何以至此南賊自稱天父第三子僞號前導

又正軍師倡亂以來用兵詭譎幾於不測所有僞諭
悉出主裁迨永安突出至桂林在途爲大兵亂斫死
逆賊等亦謂上高天享福矣天賊又加其僞號爲雲
師無子弟一十九歲襲僞職備數焉其妻妾亦爲東
賊所據

馮雲山殆羣醜中之罪魁也其所造僞書肆行勸
惑以致流毒無窮况身爲文學顧敢悖逆若此以
冀於行險僥倖中妄希富貴何殊燕雀處堂豫鴻

飲鴆曾幾何時而身首異處亦見天道之愴愴
爽也可不異哉

韋昌輝原名正僞北王六千歲廣西潯州桂平人現
年二十九歲面容黑黃色微鬚身長瘦性好狠稍識
字家務農衣食尙足曾納監天賊等密約作亂遂惑
焉妖言爲天父第五子故僞號後護又副軍師自金
田倡亂率賊出隊及賊中事無鉅細悉出其令金陵
破入城住中正街李宅內有園亭故燬民居尙少至

是凡欲言於東賊者必先告之爲轉達焉事東賊益
倭輿至則扶輿以迎論事不三四語必跪謝曰非四
兄教導小弟肚腸嫩潯州鄉語猶言學淺也其兄忘
其名與東賊妾兄爭宅東賊怒欲殺其兄發北賊護
罪北賊請以五馬分屍謂非如此不足以警衆凡賊
取物請蓋其偽印爲信其統下偽相偽承宣偽尙書
稍有權其偽參護偽典與統下其約千餘人東賊以
此疑臣之故分其權于眾賊又加其偽號爲雷

師其出也賊從滅半於東賊無寵其飲食亦不
外傳入逼取民女十四人亦僞號王頗子一七歲
案諸首逆大都一邱之貉鮮不同惡相濟者惟以
胞乳之親處之極刑以求媚於人則禽獸不若矣
其稟天地垂戾之氣所生可知況賊類無不逼取
民女者尤足寸磔藉爲巾幗吐氣爲快耳

石達開僞翼王五千歲廣西潯州武宣縣人現年四
十三歲面略白鬚微黃身中性較和平家稍裕天賦

等欲爲亂若無資聞翼賊富與南賊密訪之妖言達
開爲天父第七子當爲王僞號左軍主將翼賊遂信
而惑焉願以家資從事而膽最怯率隊日少其誦事
東賊與北賊等東賊藉以資倡亂亦恕其行事癸丑
五月安慶再陷秋東賊命翼賊往守翼賊稍易東賊
苛制皖民少受害東賊懼其得皖人心趣之歸調燕
賊秦日綱之贊詭言北賊勞心甚使翼賊代北賊事
藉分北賊權使翼賊亦不得專制於皖時翼賊統

新歲甚多僞相僞承宣僞尙書僞泰護僞典與約計
二千人當金陵城破屠大中橋劉宅未燬民居自安
慶回爲狐鬼祟乃移於上江考棚並前安祿道王宅
及邢園居之天賊亦加其僞號爲電師其出也賊從
又減於北賊其飲食亦由外傳入逼取民女七人亦
僞號王娘一子幼

從來倡亂者大率藉貧於有產之家而愚以非常
富貴此其故智也乃石逆甘墮賊之術中遂成萬

劫莫贖之罪亦何愚之甚也於羣逆中稍覺其寬
柳介鶴謂其膽怯何賊中獨推其督戰之能則彌
天之惡更不可追矣

秦日綱僞燕王千歲廣西潯州人約三十餘歲面中
凹黃鬚身中業豆腐首從東賊倡亂自金田至武昌
先行貼僞示者初授僞天官正丞相金陵破入城居
中正街葺宅癸丑七月東賊令取所虜安慶民女僞
號貞人十二月因翼賊得皖人心加日綱僞號貞忠

報國頂天侯使往代翼賊守安慶少變翼賊所往
新虜約二千餘人東賊又以此忌之乃調羅大綱往
替日綱歸東賊分取其統下僞將使等爲僞東恭護
僞東典興以少其衆甲寅五月東賊聞湖南及黃河
賊爲官兵破滅欲使北賊前往又恐北賊去而不返
乃以日綱爲僞燕王天賊又加其僞號爲霜師使代
北賊上游之行去後因紅單艇船在三山營上下冲
擊截殺乃率衆賊急返金陵接濟揚帆直下至烏江

爲紅卑艇船擊沉無算獲其僞印及帽意其死矣嗣
知燕賊落水逃往和州其僞真人至是改爲妃子一
四月生

燕賊置身狼虎之叢無非助紂爲虐仰人鼻息亦
何愚也河伯不速其死安知非罪重責輕留以獻
俘耶

胡以毗僞護国侯廣西潯州人與天賊交最早其妻
爲女僞丞相在東賊僞府現守廬州甲寅五月東賊

安思慮河北授以眘爲僞豫王天賊又加其僞號爲
露師將使往河北以通南北糧道旋聞六安州爲官
兵克復削去僞王號

案天賊每以雨露霜雪之類加人僞號不知此類
皆轉瞬卽滅之象此天之所以預兆其速亡也若
胡以眘之妻爲女僞丞相當是燬理枕席陰陽之
故不然何以有此美稱豈不恠哉

陳承銘僞興國侯廣西潯州人約三十餘歲金陵破

爲地官副丞相後授僞侯任巡道署其人不識一字
賊大小事俱由轉達可笑之至

黃玉崑僞衛國侯廣西潯州人四十餘歲翼賊岳也
居鄉稍知文字略明白人情自金田倡亂賊制賊令
平由玉崑定初爲僞左一檢點後授僞侯凡賊訟事
俱經判斷甲寅四月燕賊牧馬某甲坐門前見東賊
同庚叔身未起賊叔怒鞭某甲二百送燕賊未及問
卽赴玉崑欲玉崑加杖焉玉崑謂旣鞭可勿杖轉爲

勸慰賊叔愈怒推倒玉崑案訴於東賊東賊怒使
賊拘玉崑而辭職僞與國侯陳承鎔僞燕王泰日綱
聞之相率辭職東賊大怒鎖三人發北賊杖日綱一
百承鎔二百玉崑三百某甲五馬分屍玉崑杖後夜
投水救起削去僞侯爲伍

案逆賊之叔是何族類而妄自尊大若此況禮數
細故何至輒處人以極刑卽黃玉崑輩不願作賊
亦復強人爲之是東賊之惡殆難濯髮數矣豈勝

道哉

盧賢拔僞鎮國侯廣西潯州人約三十餘歲東賊妻
兄也陷九江廬州等處俱亡命爭先授僞侯嗣與其
妻私育孕東賊怒其犯天條削僞侯爲伍

盧賢拔使非東賊妻兄則早戮之不僅削僞侯爲
伍矣緣事起敦倫因而獲罪可發一咲

李國璿僞補天侯廣西人初貿易藥材於庚戌年從
賊遂爲僞國醫至金陵加僞丞相職東賊病各擬方

但出國瑤選用東賊目疾雖保哈姓醫醫愈而功
國瑤授偽侯

李哈悉俗惡庸流卑鄙無足道者假使以忠義之
士陷此何難同心醜之然須積之以漸出其不疑
亦可殲此元兇爲天下除害矣

楊元清僞東國大宗兄僞丞相職廣東嘉應州人約
三十餘歲與范運齊等同一股匪賊衆約三千人庚
戌年八月初十日倡亂爲官兵追勦竄入廣西適東

賊等於十一月初十日起事遂附東賊認爲宗兄弟
其妻爲東賊僞王娘役使至湖北其妻言夫妻分在
兩處不及阿叔尙能夫妻同處東賊怒其出言怨望
殺之元清遂不復用

楊元清以衆屬人顧甘心置妻孥於不問誠何心
歟此天之所以深惡其謀爲不軌之愆而奪其魄
故令所爲如此可不儆懼乎

楊永清僞東國王宗兄元清弟僞丞相職約三十餘

歲嗜酒不問賊中事

嗜酒不問賊事頗佳惟阿嫂被殺則亦更不復問
可知如此醉生夢死尙復身居賊中豈不可笑

楊國清僞東國七宗兄元清弟僞丞相職約十七人
歲尙不預賊事

韋俊僞北國宗兄廣西潯州人僞丞相職隨北賊至
金陵東賊使守九江

石禎祥僞翼國宗兄廣西潯州人僞丞相職約二十

餘歲性最強好勇善待下多得亡命賊東賊使守漢江

曾水源偽天官正丞相廣西潯州人約二十餘歲居鄉家稍裕性和平凡東賊事代批代行每晨見東賊議事者

林鳳祥偽天官副丞相廣西潯州人劇盜也從賊爲先鋒被金陵東賊使亂河北至山東不知所終林逆鎮五年爲大兵攻破擒解都中

案年學下至爲字中間損去數字
今仍照原本錄之以存其真也

曾釗揚僞天官又副丞相水源之姪約三十餘歲口
歪面斜性好利稍識字副水源理東賊事並脩賊僞
詔書

李開芳僞地官正丞相廣西潯州人作盜數載從賊
創亂最亡命東賊使從林鳳祥竄河北至山東聞爲
官兵所滅

李開芳經僧王擒獲解京凌遲處死

黃再興僞地官副丞相廣西潯州人約三十餘歲身

矮面陋凡翼賊事代批代行每晨見翼賊議事者

羅秘芳僞地官又副丞相廣東嘉應州人自稱文童約三十餘歲身癡肥先數年至州入童子試爲搶手庚戌年爲賊所擄賊甚羣之防其變妖變妖猶言逃走也凡北賊事代批代每晨見北賊議事者

羅秘芳雖遭賊擄究屬業儒惟大義昭然竟肯甘心助惡則悖逆甚矣如該逆固不足惜然聖賢書爲此輩讀之爲可痛恨耳

蒙得天僞春官正丞相廣西潯州人逼選民女皆中
得天先定有藏匿者則率僞巡查僞將使往搜焉

案蒙逆專司逼選民女殊屬喪盡天良況益以搜
索民何以堪尤爲罪大惡極誠堪萬磔以懲其狐
假虎威逢迎諂媚者之惡耳

黃超芳僞春官副丞相廣西潯州人初爲北賊僞尙
書見人不知所措但問旁人曰彼何人而已

賊中若黃超芳類頭顱可啜者止復不少加以服

名臣事略卷之四
裴詭異何殊沐猴而冠想見羣醜聚於一堂而牛
鬼蛇神足以盡之矣

何震川僞夏官正丞相廣西潯州人約三十餘歲自
言秀才略知文墨初爲僞左史僞東賊試取爲僞探
花性褊急凡詔書半出其手屢爲賊試文

何震川旣自言秀才又復略知文墨其爲素不安
分淺陋鄙俗可知惟謀反大逆豈可嘗試乃亦甘
心爲之是其汨沒天良已非一日他日弋獲定當

碎屍萬斷庶幾快人心而彰國憲也

賈錦謙僞夏官又正丞相廣西潯州人自揚州回金陵至七橋孔扎營未成爲大兵所敗燒燬壁壘不能居東賊乃使竄河北至黃河爲大兵拾鎗所傷潛逃至廬州創甚不起東賊又使之安慶養病聞至今不能行走

賈立瑯僞夏官又副丞相廣西潯州人自揚州回金陵東賊使竄河北至黃河爲大兵所撓敗入水死

曾天養偽秋官正丞相廣西潯州人性和平得衆心
癸丑七月東賊使陷饒州瑞昌及守黃州甲寅三月
竄入岳州即留守

白暉懷偽秋官副丞相廣西潯州人常隨石楨祥竄
陷各處

陳宗揚偽秋官又正丞相廣西潯州人常爲東賊偽
承宣輪班東賊偽府居頭門偏屋其妻爲東賊女承
宣傳事出遂入頭門屋得私焉後爲東賊所覺又通

其妹繼又欲通其僞王娘妬奸事破聞於東賊太師
時宗揚已爲僞丞相將赴安徽船泊上河東賊僞作
天父下凡指出拿回並殺之

狐巢鼠穴之中宜有此曖昧鬼魅之事惟東賊每
入人罪狀必假天父下凡亦何虛誕醜惡如此使
知天高聽卑則東賊求死猶遲尙何詐僞之有

陳宗勝僞秋官又副丞相宗揚弟自揚州回東賊使
竄河北爲官兵所敗又使竄湖南又敗薙髮逃至岳

州東賊使何平金往取回殺之

羅大綱僞冬官正丞相廣西人初爲股匪之一得衆賊心故賊爲大綱用命者多亦稍有謀略而無武藝自附東賊屢爲賊先鋒尙不過於擄掠所至易前破金陵東賊使陷鎮江卽留守嗣調守安慶等處

賓福壽僞冬官副丞相廣西人居鄉業木匠金陵破入城凡修造皆由福壽管領授僞職

夏相夙僞冬官又副丞相廣西人金陵破爲僞指揮

加僞秋官丞相與賴漢英同竄江西官兵防守城不
得破東賊削其職甲寅春東賊聞湖南賊又爲官兵
所敗乃授僞冬官又副丞相使往接應嗣使燕賊往
安徽又調回使尾燕賊後

鍾芳禮僞殿前丞相廣西人居鄉貿易錢米天賊屢
至其家芳禮獻錢米故至金陵初爲僞侍衛旋爲僞
恩丞相總理機匠雜行

黃爲正僞殿前丞相廣西人初隨天賊南賊往來平

聚山誘惑愚頑者故至金陵爲僞丞相副理機匠
侯問伯僞殿前丞相廣西人綜理鑄僞錢

黃文安爲殿前丞相廣西人總理魚塘菜園地

曾錦發僞殿前檢點廣西人癸丑理賊中大小事極
亡命至儀徵三汊河爭先爲官兵礮打死

胡海隆僞殿前檢點廣西人副王崑理賊事初王崑
理賊營事及加僞侯乃以海隆分理賊事轉達僞侯
僞王

林錫保僞殿前檢點廣西人由僞點稍授僞檢點因
游陸事繁以錫保同理其事

陳亨詩僞殿前檢點廣西人初爲賊中僞糧官竄揚
州困於城中數月逃回投僞檢點現守安徽

唐正財僞殿前檢點湖南人船水手自湖南從逆至
金陵總理水營事僞水指揮癸丑冬至湖南岳州及
湘潭擄木料及船隻數百挾逼水手二三千人返金
陵遂授僞檢點甲寅使與陳宗勝再竄湖南爲官兵

所敗退回安徽

陳德隆僞殿前檢點廣西人幫錫保海隆理賊事

周勝坤鄭春圃僞殿前檢點廣西人同

黎振輝僞殿前指揮廣西人三十餘歲極亡命在湖南官兵槍傷其一目猶不自悔至六合又爲官兵所敗幾死逃回援僞指揮

黃超鳳僞殿前指揮廣西人自揚州逃回授僞職
何錦塘僞殿前指揮廣西人自揚州逃回授僞職

葉輯五僞殿前指揮湖北人前在武昌以星命度
至金陵爲黃玉崑書使嗣爲僞提中閑指揮因與賊
意不合改僞職

黃仕睽僞殿前侍衛廣西人性奸狠好杖殺人

黃國典僞殿前侍衛廣西人魔而刻見女館有以孫
女飯其祖父者國典怒其犯天條枷而杖逼使供認
李嚴通僞殿前侍衛湖南人郴州股匪爲官兵追勦
永安附東賊時東賊正困得嚴通出

鄭陞福僞殿前侍衛廣西人由僞糧官加僞恩丞相授僞侍衛人稍和平得衆賊心

周才太僞殿前侍衛湖南人粗知文墨至金陵爲僞巡查設立牌尾老民殘廢館活數千人嗣授僞侍衛使赴安慶等處

陳桂堂僞將軍廣西人初爲僞總制守東門謀內應獻門嗣調水西僞將軍遂變心仍魔於賊

黃九利僞將軍廣西人黃超芳之姪由僞總制保授

偽將軍

陳丕成偽將軍廣西人年最幼不滿二十歲最亡命
能得衆賊心統下賊常千人

傅學步偽東殿尙書廣西人約四十歲初爲偽承宣
繼授偽恩丞相又爲偽尙書性極刻毒凡用火烙火
錐皆由學賢始

李壽春偽東殿尙書廣西人與學賢性相等

賴漢英偽東殿尙書廣西人原籍江西前爲偽夏官

副丞相東賊使竄往江西省城未破東賊疑之遂草
偽職今又復爲偽尙書

劉進廷莫士與侯謙芳吉成子盧盛才李鳳敬侯成
福皆偽東殿尙書均廣西人

姚茂鴻偽北殿尙書廣西人性稍和平而迷魔亦甚
徐茂功偽北殿尙書蘇州人以綢緞貿易湖南病足
未走脫爲賊虜以畫當北賊子慈授偽職仍以病辭
張有助偽北殿尙書湖北人偽翼試探花六月東賊

德爲湖北僞副掌試官

潘合平僞翼殿尙書安徽望江人邑庠生癸丑十月
自投賊爲賊主稿故授僞職

韋雨編僞翼殿尙書廣西人雖迷懞不醒而理賊事
尙無大權

楊在田僞翼殿尙書湖北人僞天試翰林自求爲僞
尙書者

周北順僞翼殿尙書湖北人甘心從賊僞賊謀事張

炳元羅織之賊殺北順

曾鴻芳陳奇志皆僞東殿承宣廣西人

何辛金僞北殿承宣廣西人二十餘歲最亡命隨北賊至六合江西窺我水營爲官兵所虜殺

傅少階僞殿前詔書湖北人僞天試會元

胡仁魁僞殿前詔書湖北人僞天試翰林

劉盛培僞詔命湖北人自言庠生欲逃賊禁出城故

鄧虎廷偽殿前左史廣西人偽東試翰林粗知文字
羅織其名賊殺之

黃斯陞偽朝儀廣西人賊講道理半出期陞癸丑十
月至貢院傳人聽令曰爾等幸有天王天王爲天父
第二受子救爾等世人爾等俱要報恩報恩若何打
伏殺妖是第一報恩事也現在無妖可殺無以報恩
細思爾等有收各要獻貢天王母匿匿則殺閉目仰

面說來亦若不能止笑者

侯成身竇小寿皆僞侍臣廣西人

吳可億譚順天皆僞總聖庫廣西人由湖北典舖爲
賊煽禁不得出城者加僞恩丞相各擁黃金數千他
物無算

陳讚明陳棣香皆僞副聖庫湖北人由湖北典舖爲
賊煽禁不得出城者

曾衡選曾永隆謝應木皆僞典聖庫廣西人

陳潛武僞總典辦廣西人其統下欲逃走者悉縱之
又以他人補數凡欲逃者半投統下現加僞恩丞相
段可元僞副總典買辦廣西人亦加授僞恩丞相
黃爲綱僞總典聖糧加僞恩丞相廣西人初爲僞東
殿承宣以其爲東賊姑丈故加僞恩

黃河芸僞出聖糧爲綱姪最迷以邪不悟者

戾玉衡僞出聖糧廣西人本劇盜好搜索衣物然亦
常與人衣物以要結眾心

傅忠信僞出聖糧廣西人本爲刺頭以李英叔乃授
僞職

鄭衍宣僞出聖糧湖北人任安慶省城

廖益桂僞入聖糧廣西人東賊使竄湖北至山東爲
官兵所殺

張朝文林朝俊皆僞入聖糧廣西人任安慶黃州亦
加授僞恩承極

范運齊僞入聖糧廣東人初隨楊元清作亂繼

附東賊印寅七月初一日在金陵東門外爲官兵所殺

陳式武廖盛富皆僞軍中聖糧湖南人式武本販匪極亡命屢受賊杖有投誠意

秦日蘭僞典鉛礮日綱兄加僞恩丞相

陳国良僞典鉄廣西人原係打鉄匠

黃炳權僞典機匠將軍廣東人由金陵附賊機匠之設自炳權始

黃開元僞典機匠總制湖北人年二十餘歲優人也
賊發之使典柴薪得出城凡逃逸者半爲開元鎖回
杖責索物獻貢甚至喪命嗣爲典機匠其歸人俱開
元通妖遂至馬分屍

梁文俊刁日替僞春人廣西人皆米舖春米之徒
劉文飛曾永祥陳采雲余文章黃祖賢胡復揚邱一
珍輩老老皆僞東家護廣西人

曾亨典僞北家護廣西人性嗜酒亦狠毒

張立超劉開仁黃貴憑皆僞典天與廣西人立超右手爲官兵傷去一指而亡命如故

覃繼邦朱得勝胡鎮海皆僞典天與廣西人

劉濟山僞國醫湖北人張炳元羅織其名賊殺之

嚴定邦僞東誠翰林江西人由湖北附燕王爲主謀者張炳元羅織其名賊殺之

楊朝福僞翼試狀元安慶人東賊使往湖北漢口爲僞正掌試官

武立勲僞天試狀元和州人東賊使往安慶爲正掌
試官因出五經題賊怒目爲妖降爲位

劉仁富僞典天厨梁用潮僞典東厨皆廣西人

黃秉祥僞巡查廣西人理女館事稍存寬緩惜無措
之者

陳繼書吳可典李珍李紅蓮農世青京
僞巡查廣西人

金陵紀事畧終

扶風折